

10 ноября 2019 года. Неделя 21 по Пятидесятнице. Мч. Терентия и Неонилы
и чад их Сарвила, Фота, Феодула, Иеракса, Нита, Вила и Евникии.

Прп. Стефана Саввайта, творца канонов. Глас 4.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 4:

Хор:

Ирмос: Моря чермную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.

Припев: Слава, Господи, святому Воскресению Твоему.

Тропарь: Вознеслся еси на пречистем древе крестнем,/ наше отпадение исправляя,/ еже на древе исцеляя всегубительство, Владыко,// яко Благ и Всесилен.

Припев: Слава, Господи, святому Воскресению Твоему.

Тропарь: Во гробе плоти, во аде же с душою, яко Бог:/ в рай же с разбойником, и на Престоле был еси, Христе, со Отцем и Духом,// вся исполняя Неописанный.

Припев: Пресвятая Богородице, спаси нас.

Богородичен: Без семени Отчею волею/ от Божественнаго Духа Божия зачала еси Сына,/ и плотию родила еси:/ Иже из Отца без матери,// нас же ради, из Тебе без отца.

КАНОН БОГОРОДИЦЫ ВЗ ОКТОИХА, ГЛАС 4:

Припев: Пресвятая Богородице, спаси нас.

Тропарь: Сотрясшаяся людие, смятшаяся языцы,/ царствия же державная уклонися, Чистая, от страха рождества Твоего:/ прииде бо Царь мой, и низложит мучителя,// и мир от тли избави.

Припев: Пресвятая Богородице, спаси нас.

Тропарь: Жилище свое, живый в вышних,/ к человеку сошед, освяти Христе, и непоколебимо яви:/ Единая бо по рождестве девства сокровище,// Зиждителя рождаши пребыла еси.

КАНОН МУЧЕНИКОВ ТЕРЕНТИЯ И НЕОНИЛЫ, ГЛАС 4:

Припев: Святые мученицы, молитесь Бога о нас.

Тропарь: Глубиною обуреваем греха, Человеколюбче,/ к единой пучине благоутробия Твоего/ взираю очесы моего сердца,// окорми и спаси мя страсто-терпец молитвами.

Припев: Святые мученицы, молитесь Бога о нас.

Тропарь: Незаходимое вас Солнце звезды покажи на тверди Церкви Своей,/ оза-

ряюция сиянием подвигов, // мученицы прехвальнии, сея исполнение.

Припев: **Святїи мученицы, молїте Бѳга о нас.**

Тропарь: **Вѣры побѳрницы, Цѣркве утверждение, / Терентий бысть, Нитта же, Сарвил, Феодул, Иеракс, Неонила, // и Вил чудный, Евникия же и Фот.**

Припев: **Пресвятая Богородице, спаси нас.**

Богородичен: **Радости нам Ходатаица, яко приемши полноту всего Божества, / явилася еси, Всенепорочная. / Темже вси Тебе, еже радуйся, // со Ангелом согласно зовем, Богорадованная.**

КАНОН ПРЕПОДѢБНОГО СТЕФѦНА САВВАЙТА, ГЛАС 8:

Припев: **Преподобне отче Стефане, моли Бѳга о нас.**

Тропарь: **Всю мою мрачную, отче, мглу уныния / светом Божественным разори, // Божественную благодать подав, Стефане, пети память твою.**

Припев: **Преподобне отче Стефане, моли Бѳга о нас.**

Тропарь: **Единый тебе добродетелей искус ведом, / мирския бо всеконечно злобы не приял еси, // от младенства Бѳгу, Стефане, возложен.**

Слава Отцу, и Сыну, и Святому Духу.

Тропарь: **Всего Христу Спасу ты тебе самого привед воздержательно, / заклание светло благоприятно, // безсмертнаго жития, славне, был еси причастник.**

И ныне и присно и во веки веков, аминь.

Богородичен: **Пречистая Богородице, всех радости, / Яже Бѳга в Твоей утробе вместивши, Нескверная, // избавитися от враг молися поющим Тя.**

КАТАВАСИЯ, ГЛАС 4:

Хор: **Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Тоя чудеса.**

ПЕСНЬ 3:

КАНОН ВОСКРЕСНЫЙ, ГЛАС 4:

Хор:

Ирмос: **Веселится о Тебе Церковь Твоя, Христе, зовущи: / Ты моя крепость, Господи, // и прибежище, и утверждение.**

Припев: **Слава, Господи, святому Воскресению Твоему.**

Тропарь: **Древо животное, мысленный истинный виноград, // на Кресте висит, всем источая нетление.**

Припев: **Слава, Господи, святому Воскресению Твоему.**

Тропарь: **Яко велик, яко страшен, яко адово низложь шатание, // и яко Бог не-**

тленен, ныне плóтски воскресе.

Припев: Пресвятая Богородице, спаси нас.

Богородичен: Ты едина сущим на земли, / яже паче естества благих Ходатаица, / Мати Божия была еси: // темже Ти, радуйся, приносим.

Канон Богородицы в3 Октоиха, глас 4:

Припев: Пресвятая Богородице, спаси нас.

Тропарь: Очищается человек существо, / Тобою присовокупльшееся нестерпимому Божественному Огню: / яко сокровенный, Пречистая Дево, в Тебе Хлеб испекшееся, // Иже и Тебе невреденно сохраншему.

Припев: Пресвятая Богородице, спаси нас.

Тропарь: Каая сия яже воистинну близ Бога; / яко превозшедши вся ангельския чины, / едина добротою девства, // яко Мати сияющи Вседержителя.

Канон мучеников Терентия и Неонилы, глас 4:

Припев: Святые мученицы, молитесь Бога о нас.

Тропарь: Якоже солнце со многосветлою луною, / соединяем Неониле славный Терентий, / породил звезд седмочисленный лик мучеников Христовых.

Припев: Святые мученицы, молитесь Бога о нас.

Тропарь: Сокрушение твоих удес, страдальче Терентие, / прелести кости, якоже прах, истный, // тебе же исходатаи славу неизглаболанную.

Припев: Святые мученицы, молитесь Бога о нас.

Тропарь: Златыми вперившись крылы, Евникие, / беззаконных ловец коварствия избегла еси // и внутрь вселилася еси чертога мысленного.

Припев: Пресвятая Богородице, спаси нас.

Богородичен: Ты Мудрость Божия чистейшее селение обрети, / от Твоих чистых кровей воплотися, // и по Рождестве нетленну покажи.

Канон преподобного Стефана Саввайта, глас 8:

Припев: Преподобне отче Стефане, моли Бога о нас.

Тропарь: Сквернящих в житии человеческия души избежавша ты, Стефане, плотских, / очисти пустыня издетска // Божественным промыслением.

Припев: Преподобне отче Стефане, моли Бога о нас.

Тропарь: Небесное имущии житие, постницы ты приемше, // утвердиша, блаженне, страхом Господним к мудрости Божественней.

Слава Отцу, и Сыну, и Святому Духу.

Тропарь: Отцев повинуюся учением премудрости, / страх Божий, яко основание положил еси // твоего небесоподобнаго, отче, жития.

И ныне и присно и во веки веков, аминь.

Богородичен: Безсеменно зачала еси, Богоневесто, Спаса и Господа,/ избавляющего ны от тли, // Ты воистинну песнословящая.

КАТАВАСИЯ, ГЛАС 4:

Хор: Твоя песнословцы, Богородице,/ Живый и Независтный Источник,/ лик себе совокупльшия, духовно утверди,/ в Божественней Твоей славе // венцев славы сподоби.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Кондак мучеников, глас 4, подобен: «Вознесийся...»:

Мученическая честная память прииде днесь, веселящи всяческая,/ Терентия премудраго и подружии его./ Тепле убо стецемся, да приемем исцеление,/ сии бо благодать приемши от Духа Святаго // исцеляти недуги и болезни душ наших.

Кондак преподобного Стефана, глас 4, подобен: «Вознесийся...»:

Насадил еси добродетелей рай/ и напоил еси токами слез твоих,/ яко жизни, всеславне, древо получив,/ спаси молитвами твоими от тли стадо твоё,/ избави от обстояний тепле чтущих тя, Стефане,/ ты бо предстателя величайша, мудре, // вси верою и любовью стяжахом.

Седален мучеников, глас 8, подобен: «Премудрости...»:

Яко звезды солнцу световидны, Терентию,/ дети священныя яве совозсиявуют и тварь просвещают,/ мужескими подвиги доблественно сияюще, многобожия ночь разоряют;/ ихже с веселием ублажаем верою, яко сущия угодники Божия, и возопийм:/ стратотерпцы всехвальнии, молитв Христа Бога грехов оставление подати // чтущим любовь святую память вашу.

Слава Отцу и Сыну и Святому Духу.

СЕДАЛЕН ПРЕПОДОБНОГО, ГЛАС 5, ПОДОБЕН: «СОБЕЗНАЧАЛЬНОЕ СЛОВО...»:

**Воздержанием житие украсив и страсти умертвив,/ попра́л еси́ вра́жия при-
ло́ги, о́тче Стефа́не,/ и, преложи́всѧ к Бо́гу, чудотво́рец показа́лся еси́,/ в вѣчной
сла́ве со А́нгелы лику́я.// С ни́миже моли́ непреста́нно поми́ловатися нам.**

И ны́не и прѣсно и во ве́ки веко́в. Ами́нь.

БОГОРО́ДИЧЕН ИЗ МИНЕ́И, ГЛАС 5:

**Тѣплая Предста́тельница и непобеди́мая,/ упова́ние изве́стное и непо-
сты́дное,/ стено́, и покрóве, и приста́нище прибега́ющим к Тебе́,/ Присно-
де́во Чи́стая,/ Сы́на Твоего́ и Бо́га моли́ со А́нгелы/ мир да́ти ми́ру, и спа-
се́ние,// и ве́лию ми́лость.**

ПЕСНЬ 4:

КАНОН ВОСКРЕ́СНЫЙ, ГЛАС 4:

Хор:

**Ирмос: Вознесе́на Тя ви́девши Це́рковь на Кресте́,/ Со́лнце Пра́ведное,/ ста в
чи́не свое́м,/ досто́йно взыва́ющи:// сла́ва си́ле Твое́й, Го́споди.**

Припев: Сла́ва, Го́споди, свято́му Воскресе́нию Твоему́.

**Тропарь: Возше́л еси́, страсти́ моя́ исцеля́я, на Крест/ страсти́ю Пречи́стыя плóти Твоея́,
в ню́же во́лею облéклся еси́./ Тёмже Ти взыва́ем:// сла́ва си́ле Твое́й, Го́споди.**

Припев: Сла́ва, Го́споди, свято́му Воскресе́нию Твоему́.

**Тропарь: Безгрéшнаго смерть вкуси́вши,/ Животворя́щаго Тѣла Твоего́,/ досто́йно,
Влады́ко, умертви́ся:/ мы же вопи́ем Ти,// сла́ва си́ле Твоей, Го́споди.**

Припев: Пресвята́я Богороди́це, спаси́ нас.

**Богородичен: Неискусобра́чно родила́ еси́, Де́во,/ и по рождестве́ явила́ся еси́
де́вствующи па́ки:/ тёмже немóлчными гла́сы,/ е́же ра́дуйся, Тебе́, Вла-
ды́чице,// ве́рою несумне́нною взыва́ем.**

КАНО́Н БОГОРО́ДИЦЫ ВЗ ОКТÓИХА, ГЛАС 4:

Припев: Пресвята́я Богороди́це, спаси́ нас.

**Тропарь: Поживе́ с челове́ки, ви́димь быв Невѣ́димый,/ во зра́це сый Непости-
жи́маго Божества́,/ и вообра́жся из Тебе́, Отрокови́це, в чужде́е,// ве́дущих
Тя, Чи́стую Богома́терь, спаса́ет.**

Припев: Пресвята́я Богороди́це, спаси́ нас.

**Тропарь: При́ят в веще́ственне Де́ва Невеще́ственного, в прича́стии веще́ства́,
Младенца́ от Нея́ бѣ́вша./ Тёмже во дву́ существу́, Еди́н познава́ется// пло-
тонóсец Бог, и Челове́к Пресу́щественный.**

КАНО́Н МУ́ЧЕНИКОВ ТЕРÉНТИЯ И НЕОНИ́ЛЫ, ГЛАС 4:

Припев: **Святїи мученицы, молїте Бóга о нас.**

Тропарь: **Окормляеми длáнию всесильною,/ мук пучїну немóкренно преидóша,// дóндеже достигóша в пристáнище тїхое Вышняго Цáрствїя, мученицы.**

Припев: **Святїи мученицы, молїте Бóга о нас.**

Тропарь: **Возвышаемаго держáвою нечестїя гóрдаго мучїтеля,/ véры ору́жїи, мученицы всехвáльнии, низложїсте, пою́ще:// сла́ва síле Твоéй, Гóсподи.**

Припев: **Святїи мученицы, молїте Бóга о нас.**

Тропарь: **Седмобратный лик страсотéрпцев с двоїми родїтели,/ непорóчная жéртва Тебé, тех ráди чóдно пожéршемуся,// я́ко овчá, Влады́ко Христé, приведóшася.**

Припев: **Пресвятáя Богорóдице, спасї нас.**

Богорóдичен: **И́же волею вся́ческая созда́вый,/ зїждется хотя́ из Тебé пáче слóва,/ спаса́я, Неискусобра́чная, véрою зову́щая:// сла́ва síле Твоéй, Гóсподи.**

КАНО́Н ПРЕПОДО́БНОГО СТЕФА́НА САВВАЙТА, ГЛАС 8:

Припев: **Преподóбне óтче Стефа́не, моли́ Бóга о нас.**

Тропарь: **Зако́ном Божéственным Дýха все покорїл есї́ плотскóе мудровáние// и слóвом безсловéсная стремлénия страстéй отгнáл есї́, мýдре Стефа́не.**

Припев: **Преподóбне óтче Стефа́не, моли́ Бóга о нас.**

Тропарь: **Ты я́рости во́лны на врага́ вооружїл есї́, Стефа́не,// к Едї́ному же Ра́чїтелю желáние, Бóгу, простéрл есї́.**

Сла́ва Отцý, и Сы́ну, и Свято́му Дýху.

Тропарь: **Во умé ты бóдущая помышля́я,/ возгнуша́лся есї́ мимотеку́щих безсловéсия.// Тэмже вся́ наследовал есї́ болéзньми присносóщая.**

И ны́не и прїсно и во véки веко́в, амїнь.

Богорóдичен: **Бóга, Егóже родила́ есї́, Чїстая Дéво,/ Сегó умоли́, рабо́м Твої́м даровáти согрешénий прощénие// и протївных избавлénие.**

КАТАВА́СИЯ, ГЛАС 4:

Хор: **Седя́й в Сла́ве/ на Престо́ле Божества́/ во óблаце лéгце,/ прїиди́ Иисýс Пребожéственный,/ Нетлénною Длáнию/ и спасé зову́щая:// сла́ва, Христé, síле Твоéй.**

ПЕСНЬ 5:

КАНО́Н ВОСКРЕ́СНЫЙ, ГЛАС 4:

Хор:

Ирмос: **Ты, Гóсподи мой,/ Свет в мир прїшéл есї́,/ Свет Святы́й, обраща́яй из**

мрачна невѣдения// вѣроу воспевающия Тя.

Припев: Слава, Господи, святому Воскресению Твоему.

Тропарь: Ты, Господи, к земли милостивно сошел еси:// Ты вознесл еси падшее человеческое существо, на древе воздвигаемь.

Припев: Слава, Господи, святому Воскресению Твоему.

Тропарь: Ты взял ми еси, Христе, прегрешений осуждение:// Ты разрушил еси болѣзни смертныя, Щедре, Божественным воскресением Твоим.

Припев: Пресвятая Богородице, спаси нас.

Богородичен: Ты оружие непобедимое на враги предлагаем,// Ты утверждение, и надежду нашего спасения, Богоневесто, стяжачом.

Канон Богородицы в3 Октоиха, глас 4:

Припев: Пресвятая Богородице, спаси нас.

Тропарь: Дом Тя славы, Гору Божию Святую, Чистая,/ Невесту, Чертог, Храм освящения,/ Сын Божий, в Тя вселився,// и рай сладости присносущныя нам содела.

Припев: Пресвятая Богородице, спаси нас.

Тропарь: Плоть от крове Девственныя приял еси, Христе,/ Безсеменну, Пречисту, Ипостасну,/ и словесну и умну, одушевленну,/ действенну, хотетельну,// Самовладычну и Самовластну.

Канон мучеников Терентия и Неонилы, глас 4:

Припев: Святѣи мученицы, молите Бога о нас.

Тропарь: Ты, Господи, крепость стяжавше мученицы,// терзания, и раны, и огонь, и смерть мужески преобидеша.

Припев: Святѣи мученицы, молите Бога о нас.

Тропарь: О дѣти священныя!/ О Богоприятная заколѣния!// О совокупление, разорившее козни многоплетенныя врага борющаго!

Припев: Святѣи мученицы, молите Бога о нас.

Тропарь: Побѣдами главѣ безсмертными венчала еси,// победившая змия, Еву победившаго, Евникие добродѣво.

Припев: Пресвятая Богородице, спаси нас.

Богородичен: Свет безлѣтный нам, Отчее Сияние родила еси,// под летом благодости богатством бывша, Всенепорочная.

Канон преподобного Стефана Саввайта, глас 8:

Припев: Преподобне отче Стефане, моли Бога о нас.

Тропарь: Являешься, яко светильник, с Небес поющим тя,/ отгоня дел омрачение//

и Божественного воображая деяния осияние.

Припев: Преподобне отче Стефане, моли Бога о нас.

Тропарь: Бодренну молитву и стояние всенощное,/ рук прилежное воздеяние стяжал еси, отче, // и источники слез, Стефане.

Слава Отцу, и Сыну, и Святому Духу.

Тропарь: Нов истинно пустыни явился еси/ светел светильник, о Стефане, // просвещая во тьме держимыя злых.

И ныне и присно и во веки веков, аминь.

Богородичен: Моли присно Сына Твоего и Бога нашего,/ Неискусобращная Марие Чистая, // низпослати нам верным милость.

КАТАВАСИЯ, ГЛАС 4:

Хор: Ужасошася всяческая/ о Божественной славе Твоей:/ Ты бо, Неискусобращная Дево,/ имела еси во утробе над всеми Бога/ и родила еси Безлетного Сына,/ всем воспевающим Тя// мир подавающая.

ПЕСНЬ 6:

КАНОН ВОСКРЕСНЫЙ, ГЛАС 4:

Хор:

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очистиися/ ради милости от ребр Твоих// истекшею Кровию.

Припев: Слава, Господи, святому Воскресению Твоему.

Тропарь: Возшел еси на Крест, силою препоясався,/ и соплется с мучителем, яко Бог, с высоты свергнул еси, // Адама же непобедимую силою воскресил еси.

Припев: Слава, Господи, святому Воскресению Твоему.

Тропарь: Воскресл еси блистаяйся красный из гроба, Христе,/ и разгнал еси вся враги Божественною силою Твоею, // и вся, яко Бог, веселия исполнил еси.

Припев: Пресвятая Богородице, спаси нас.

Богородичен: О чудо всех чудес новейшее!/ Яко Дева во утробе, всяческая обдержавшаго// неискусомужно зачавши, не тесновместити.

КАНОН БОГОРОДИЦЫ ИЗ ОКТОИХА, ГЛАС 4:

Припев: Пресвятая Богородице, спаси нас.

Тропарь: Древле убо прельсти мя змий, и умори мя,/ праматерию мою Евою:// ныне же, Чистая, Тобою создавый мя из истления воззва.

Припев: Пресвятая Богородице, спаси нас.

Тропарь: Бездна Тя бездну неизреченно,/ благоутробия Отроковице, избранную

показа́ чудес:/ и́бо из Тебе́ мо́лниею Божества́,// бисер Христо́с возсия́.

КАНО́Н МУ́ЧЕНИКОВ ТЕРЕН́ТЯ И НЕОНИ́ЛЫ, ГЛАС 4:

Припев: **Святѣи мученицы, моли́те Бо́га о нас.**

Тропарь: **Простре́ти немѣлостивно повеле́в мучи́тель/ и к колесе́м привяза́ти мно-
гообра́зными ви́ды мученики,/ но посрамы́ся,// непобеди́мы ты́я ви́дев.**

Припев: **Святѣи мученицы, моли́те Бо́га о нас.**

Тропарь: **Зверём в снeдь пре́дани бѣ́вше,/ показа́сте я́ кротча́йшия ове́ц, непре-
ста́нными ва́шими моли́твами// и вре́да от тех ника́коже при́ясте, святѣи.**

Припев: **Святѣи мученицы, моли́те Бо́га о нас.**

Тропарь: **Сарви́л, Неони́ла, Фот и Феоду́л,/ Вил, Иера́кс, Евни́кия же и Нитта́ Бо-
же́ственный с Теренти́ем,// я́ко до́блии, благоче́стно да восхва́ляются, мученицы.**

Припев: **Пресвята́я Богоро́дице, спаси́ нас.**

Богородичен: **Купи́на прообра́зоваше вели́кое та́инство,/ е́же па́че ума́, Твоего́ Рожде-
ства́,// огне́м всю́ду окружа́ема и ника́коже опаля́ема, Де́во Всепе́тая.**

КАНО́Н ПРЕПОДО́БНОГО СТЕФА́НА САВВА́ЙТА, ГЛАС 8:

Припев: **Преподо́бне о́тче Стефа́не, моли́ Бо́га о нас.**

Тропарь: **Ты рука́ми, ви́ден был еси́, Стефа́не, се́рне подава́я пи́щу,/ душе́вныя бо
стра́сти отря́с,// над дѣ́виими живо́тными, я́коже пе́рвее во Еде́ме Ада́м,
ца́рствовал еси́.**

Припев: **Преподо́бне о́тче Стефа́не, моли́ Бо́га о нас.**

Тропарь: **Путетворя́ Христу́ селѣ́ние твоея́ в клетѣ́ души́,/ чре́во твоё, Стефа́не, и
язы́к удержав́,// и плотскѣ́я сла́сти до конца́ умертви́л еси́.**

Сла́ва Отцу́, и Сы́ну, и Свято́му Ду́ху.

Тропа́рь: **Победѣ́тельными венча́лся еси́ венцы́, Стефа́не, по́стничества,/ де́монов бо полки́
победи́л еси́// и помышле́ний и страсте́й прило́ги низложи́л еси́, блаже́нне.**

И ны́не и при́сно и во ве́ки веко́в, ами́нь.

Богородичен: **Па́че ума́ воплоще́ннаго Го́спода во чре́ве Твоём/ сотвори́ Твои́м рабо́м
ми́лостива бѣ́ти/ Твои́ми моли́твами, Чи́стая,// я́ко да стра́шнаго из-
ба́вимся муче́ния.**

КАТАВА́СИЯ, ГЛАС 4:

Хор: **Божѣ́ственное си́е и всечестно́е/ соверша́юще пра́зднество,/ Бого-
му́дри, Богома́тере,/ приидѣ́те, рука́ми воспле́щим,// от Нея́
ро́ждшагося Бо́га сла́вим.**

ЕКТЕНІ́Я МА́ЛАЯ:

Диа́кон: **Па́ки и па́ки ми́ром Го́споду помоб́лимся.**

Хор: Гóсподи, помíлуй.

Диáкон: Заступí, спасí, помíлуй и сохрани нас, Бóже, Твоею благодáтию.

Хор: Гóсподи, помíлуй.

Диáкон: Пресвятую, Пречíстую, Преблагословенную, Слáвную Владычицу нашу Богородицу и Приснодéву Марию, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

Хор: Тебе́, Гóсподи.

Иерей: Ты бо еси́ Ца́рь ми́ра и Спас душ на́ших, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и прíсно и во ве́ки веко́в.

Хор: Амíнь.

КОНДА́К ВОСКРЕ́СНЫЙ, ГЛАС 4, ПОДОБЕН: «ЯВÍЛСЯ ЕСÍ ДНЕСЬ...»:

Спас и Изба́витель мой/ из грóба, я́ко Бог, воскресí от уз земнорóдных,/ и врата́ áдова сокруши́,/ и я́ко Влады́ка// воскресе́ триднэвен.

Икос:

Воскрéшаго из мёртвых Христá Жизнода́вца триднэвна из грóба,/ и врата́ смёртная днесь сокру́шаго síлюю Своёю,/ и áда умертвívшаго, и жа́ло смёртное стёршаго,/ и Ада́ма со Ёвою свободívшаго,/ воспо́йм вси земнорóдни, вопи́юще хвалу́ приле́жно:// Той бо я́ко Еди́н Кре́пкий, Бог и Влады́ка, воскресе́ триднэвен.

ПЕСНЬ 7:

КАНОН ВОСКРЕ́СНЫЙ, ГЛАС 4:

Хор:

Ирмос: В пещи́ Авраáмстии óтроцы персидстей,/ любóвию благочéстия па́че,/ неже́ли пла́менем, опаля́еми, зыва́ху:// благословéн еси́ в хра́ме сла́вы Твоея́, Гóсподи.

Припев: Сла́ва, Гóсподи, свято́му Воскресéнию Твоему́.

Тропарь: К нетлэ́нию челове́чество призв́ся,/ Божéственною измовéно Крóвию Христóвою, благодарно́ воспева́ющее:// благословéн еси́ в хра́ме Сла́вы Твоея́, Гóсподи.

Припев: Сла́ва, Гóсподи, свято́му Воскресéнию Твоему́.

Тропарь: Я́ко Живонóсец, я́ко рая́ красне́йший/ войстинну, и черто́га вся́каго ца́рскаго показ́ся светле́йший, Христé, гроб Твой,// истóчник на́шего воскресéния.

Припев: Пресвятáя Богороди́це, спасí нас.

Богородичен: В́шняяго освящённое Божéственное селéние, ра́дуйся,/ Тобóю бо даде́ся ра́дость, Богороди́це, зову́щим:// благословéна Ты в жена́х еси́, Всенепорóчная Влады́чице.

КАНО́Н БОГОРÓДИЦЫ ВЗ ОКТÓИХА, ГЛАС 4:

Припев: Пресвятáя Богороди́це, спасí нас.

Тропарь: Привлачíт мя к пéнию любóвь дэвственна́я огонь,/ иже в сёрдцы, вопíти Ма́тери и Дéве:// Благословéнная, Госпо́дь síлам с Тобóю.

Припев: Пресвятая Богородице, спаси нас.

Тропарь: Превышши твари явилася еси, / яко Творца рождши и Господа. / Темже Ти вопию, Богородице: // Благословенная, Господь силам с Тобюю.

Канон мучеников Терентия и Неонилы, глас 4:

Припев: Святии мученицы, молитв Бoga о нас.

Тропарь: В пещь мучений ввержени бывше, мученицы, / росу с Небес обретосте терпением, благодарно взывающе: // благословен еси в храме славы Твоея, Господи.

Припев: Святии мученицы, молитв Бoga о нас.

Тропарь: Вкоренено душевное имущи мудрование на камени непреложныя веры Христовы, / безбожных свирепства трус, // мученицы молитвою творяще, низложisha.

Припев: Святии мученицы, молитв Бoga о нас.

Тропарь: Повешени бывше и по ребром крепко стружеми, / оцтом лютейшим же и огнем сожигаемы, блаженнии, // всю попалисте вещь лестную, славнии.

Припев: Пресвятая Богородице, спаси нас.

Богородичен: Одевая небо облаки, Пречистая, Ты небо показа на земли, / из Тебе облечися во всего человека // и обожает мя за милосердие безчисленное.

Канон преподобного Стефана Саввайта, глас 8:

Припев: Преподобне отче Стефане, моли Бoga о нас.

Тропарь: Войстинну Нетленных ты Троицы благодать обретши, сосуд, Стефане, избран, / якоже желаше, в тебе упокоися, // и дарования обогати, и врача душевных страстей показа.

Припев: Преподобне отче Стефане, моли Бoga о нас.

Тропарь: Тайнниче пресветлаго Богоначалия, зрителю славы неизреченныя Божия причащаяся, / подаждь нам просвещение, творящим верою память твою, // угодниче Христов преблаженне Стефане.

Слава Отцу, и Сыну, и Святому Духу.

Тропарь: Воду Моисейски в земли невлажней, жаждущу твоему ученику, Стефане, / твоим жезлом начертав, источил еси, преподобне, / песнопоя Христу Вседержителю: // благословен еси, Боже отец наших.

И ныне и присно и во веки веков, аминь.

Богородичен: Подобаше бессеменно Воплощенному из Тебе проити, Марие Чистая, / паче солнца явльшися Чистая и Нескверная, // на объятиих бо носила еси, Благословенная, Бoga Вседержителя.

КАТАВА́СИЯ, ГЛАС 4:

Хор: Не послужи́ша тва́ри Богому́дрии/ па́че Созда́вшего,/ но, о́гненное
преще́ние му́жески попра́вше,/ ра́довахуся, пою́ще:// препе́тый отце́в
Госпо́дь и Бог, благослове́н еси́.

ПЕСНЬ 8:

КАНОН ВОСКРЕ́СНЫЙ, ГЛАС 4:

Хор:
Ирмос: Ру́це распротёр Дани́ил,/ львов зия́ния в ро́ве затче́,/ о́гненную же
си́лу угаси́ша,/ добродете́лию препоя́савшеся,/ благоче́стия рачи́тели,
о́троцы, зыва́юще:// благослови́те, вся дела́ Госпо́дня, Го́спода.

Припев: Сла́ва, Го́споди, свято́му Воскресе́нию Твоему́.

Тропарь: Ру́це распротёр на Кресте́, язы́ки вся собра́л еси́,/ и еди́ну яви́л еси́, Вла-
ды́ко/ Це́рковь воспева́ющую Тя, земну́ю и небесну́ю, согла́сно пою́щим:/ бла-
гослови́те вся дела́ Госпо́дня, Го́спода,// по́йте и превозноси́те Его́ во ве́ки.

Припев: Сла́ва, Го́споди, свято́му Воскресе́нию Твоему́.

Тропарь: Белообра́зен яви́ся жена́м,/ непристу́пным све́том воскресе́ния блиста́йся
А́нгел,/ что Жива́го во гробе́, вопия́, ищите́ я́ко ме́ртва;/ вои́стинну воста́ Хри-
сто́с, Ему́же вопие́м:/ вся дела́ по́йте Го́спода,// и превозноси́те во вся ве́ки.

Припев: Пресвята́я Богоро́дице, спаси́ нас.

Богородичен: Ты Еди́на во всех ро́дех, Де́во Пречи́стая,/ Ма́ти яви́лася еси́ Бо́жия:/ Ты
Божества́ была́ еси́ жили́ще, Всенепоро́чная,/ не опа́льшися огне́м Непри-
сту́пнаго Све́та.// Те́мже вси Тя благослови́м, Мари́е Богоневе́сто.

КАНО́Н БОГОРО́ДИЦЫ ВЗ ОКТО́ИХА, ГЛАС 4:

Припев: Пресвята́я Богоро́дице, спаси́ нас.

Тропарь: От ребра́ Ада́мова созда́вый Тя,/ от Твоего́ де́вства воплоти́ся, И́же всех
Госпо́дь,/ Его́же пою́ще, вопие́м:/ вся дела́ благослови́те, по́йте Го́спода,// и
превозноси́те Его́ во ве́ки.

Припев: Пресвята́я Богоро́дице, спаси́ нас.

Тропарь: В се́ни Авраа́м узре́, е́же в Тебе́, Богоро́дице, таи́нство,/ Сы́на бо Твоего́ Безплотнаго
прия́т, поя́:/ вся дела́ благослови́те, по́йте Го́спода,// и превозноси́те Его́ во ве́ки.

КАНО́Н МУ́ЧЕНИКОВ ТЕРЕН́ТИЯ И НЕОНИ́ЛЫ, ГЛАС 4:

Припев: Святи́и му́ченицы, моли́те Бо́га о нас.

Тропарь: На огонь дерзну́ша, све́том Божества́ннаго Ду́ха просвеща́еми,/ коно́бов вре́ния¹
показа́ша неде́йственна,/ Божества́нный хлад с Небесе́ Божества́ннии му́ченицы

¹ *Конобов врение = Кипение котлов*

приёмше, // íхже по достоянью, вёрнии, восхва́лим.

Припев: **Святíи мученицы, моли́те Бо́га о нас.**

Тропарь: **А́нгелов яви́ся мно́жество, на трíзници я́сно укрепля́юще вас, всехва́льнии мученицы, / и болéзни отъёмлюще; / с нíмиже отроко́в песнь взывáете: // благослови́те, вся дела́ Господня́ Го́спода.**

Припев: **Святíи мученицы, моли́те Бо́га о нас.**

Тропарь: **Бо́дро имéя к Бо́гу о́ко, Сарви́ле, се́рдца твоего́, / очес терпéл еси́ избоде́ние, / обличáя мучи́теля, безбо́жия мгло́ю одержи́мага. // Тем вси тя, я́ко дне сы́на, ублажа́ем.**

Припев: **Пресвятáя Богороди́це, спаси́ нас.**

Богородичен: **О́тчим благоволе́нием Сы́на во утробе прия́ла еси́, / осени́вшу Божéственному Ду́ху, Пречи́стая, / ро́ждши я́ко пёрвее Пречи́ста пребы́ла еси́; // к Немúже непреста́нно моли́ся избáвители́ всем, Де́во, тли и озлобле́ния.**

КАНО́Н ПРЕПОДО́БНОГО СТЕФА́НА САВВАЙТА, ГЛАС 8:

Припев: **Преподо́бне о́тче Стефа́не, моли́ Бо́га о нас.**

Тропарь: **Повину́лся еси́, блаже́нне, Го́споду, пребывáнием жити́я непоро́чнаго, / и, оттúду укрепи́всья, / враги́ покоря́еши под но́зе твои́ и сокруша́еши, // на т́бя болéзньми, я́ко ору́жии, до́блествовав.**

Припев: **Преподо́бне о́тче Стефа́не, моли́ Бо́га о нас.**

Тропарь: **Единообра́зно жити́е имéя, Ё́стины сло́во показá / и обы́чай прост и прав, нелука́в нрав, Боголюби́в ра́зум. // Те́мже тя пою́ще, Христа́ превозно́сим во ве́ки.**

Благослови́м Отца́, и Сы́на, и Свята́го Ду́ха, Го́спода.

Тропа́рь: **Вседу́шно, о́тче, возлюбил еси́ Бо́га, пли́щей² отврати́лся еси́, / непроходны́я же обходя́ пусты́ни, / наслажда́лся еси́ Еди́наго Рачи́теля твоего́, // Его́же ра́ди уméты вмени́л еси́ вся.**

И ны́не и при́сно и во ве́ки веко́в, ами́нь.

Богородичен: **Извё́стно ве́дающи Тя, Де́ву и Бо́жию Ма́терь, па́че сло́ва, / поём Тя всеблагодéстно, ве́рою песнопю́ще: // Го́спода по́йте и превозно́сите Его́ во ве́ки.**

КАТАВА́СИЯ, ГЛАС 4:

Хор: **Хва́лим, благослови́м, покланя́емся Го́сподеви, пою́ще и превозно́сяще во вся ве́ки.**

О́троки благочести́выя в пе́щи / Рожде́ство Богороди́чо спасло́ есть; / то́гда ўбо образу́емое, / ны́не же де́йствуемое, / вселённу́ю всю воздви́зает

² Пли́щь = смяте́ние, суета́.

пéти Тебé:/ Гóспода пóйте, делá,// и превозносите Егó во вся вéки.

Диакон: Богорóдицу и Мáтерь Свéта в пéснях возвелíчим.

ПЕСНЬ ПРЕСВЯТОЙ БОГОРÓДИЦЫ:

Хор: Велíчит душá Моя Гóспода,/ и возрадовася дух Мой о Бóзе Спáсе Моём.
Честнéйшую Херувíм/ и Слáвнейшую без сравнénия Серафíм,/ без
истлénия Бóга Слóва рóждшую,/ сýщую Богорóдицу, Тя величáем.

Яко призрé на смирénие рабý Своея,/ се бо от нýне ублажáт Мя вси рóди.

Честнéйшую...

Яко сотворí Мне величíе Сíльный,/ и свáто Ёмя Егó, и мýлость Егó в
рóды родóв боящимся Егó.

Честнéйшую...

Сотворí держáву мýшцею Своею,/ расточí гóрдья мýслию сёрдца их.

Честнéйшую...

Низложí сíльные со престóл, и вознесé смирénныя;/ áлчущия испóлни
благ, и богатящияся отпустí тщи.

Честнéйшую...

Восприят Изрáиля óтрока Своегó, помянóти мýлости,/ я́коже глагóла ко
отцём нáшим, Аврáму и сémени егó, дáже до вéка.

Честнéйшую...

ПЕСНЬ 9:

КАНОН ВОСКРÉСНЫЙ, ГЛАС 4:

Хор:

Ирмос: Кáмень неруко́сечный/ от несекóмыя горý Тебé, Дéво,/
краеугóльный отсечéся,/ Христóс, совокупíвый разстоя́щаяся есте-
ствá.// Тем веселя́щися Тя, Богорóдице, величáем.

Припев: Слáва, Гóсподи, свáтому Воскресéнию Твоемý.

Тропарь: Всегó мя восприя́л есý весь в совокуплénии неслíтно,/ всемý ми да́я,
Бóже мой, Спасénие стра́стию Твоею,/ ю́же на Крестé претерпéл есý те-
лéсне,// благоутрóбия рáди мнóгаго.

Припев: Слáва, Гóсподи, свáтому Воскресéнию Твоемý.

Тропарь: Тво́й учени́цы зря́ще отвёрзен гроб Тво́й,/ и богонóсныя плащани́цы испраж-
нэны воскресénием Тво́им,// с áнгелом глагóлаху: во́истинну востá Госпóдь.

Припев: Пресв́ятáя Трóице, Бóже наш, слáва Тебé.

Трои́чен: Ед́инице ўбо Божéственнаго Сущест́вá, но Ипостáсьми Трóице,/ вси
вёрнии поклоня́ющися,/ в несли́янных Ипостáсех Равно́сильную Едино-

честную// ныне благочтуще величаем.

Канон Богородицы в Октоиха, глас 4:

Припев: Пресвятая Богородице, спаси нас.

Тропарь: Зрим яко крин Тя, ризою обагреною украшену, Пречистая, Божественного Духа,/ посреде терния сияюще, и благоухания исполняюще,// иже Тебе искренно величающих.

Припев: Пресвятая Богородице, спаси нас.

Тропарь: Тленное приим человеческое естество из Твоего, Всенепорочная, чрева Нетленный,/ в Себе показа нетленно, за благоутробию:// темже Тя, яко Богородицу, величаем.

Канон мучеников Терентия и Неонилы, глас 4:

Припев: Святые мученицы, молитесь Бога о нас.

Тропарь: Рай являетесь, среди жизни древо имущ,/ источник же, проливающий капли исцелений// и река, истинно исполнена, святые, Божественных вод Духа.

Припев: Святые мученицы, молитесь Бога о нас.

Тропарь: Столпы Христовы Церкви/ и тишайшая пристанища сущих в пучине лютых обуреваемых, мученицы являетесь,// и мира питателие, и Ангелов сожителицы.

Припев: Святые мученицы, молитесь Бога о нас.

Тропарь: В Небесных селех с радостью живете,/ доброты недомысленныя вкупе смотряюще и наслаждающиеся истиннаго обожения,// венценосцы великоименитии.

Припев: Пресвятая Богородице, спаси нас.

Богородичен: Яже Небес ширши и Херувимов святейши, всея же твари вкупе честнейши,/ Бога, Егоже родила еси,// о нас моли, Богородительнице, чтущих Тя.

Канон преподобного Стефана Саввайта, глас 8:

Припев: Преподобне отче Стефане, моли Бога о нас.

Тропарь: Тесный путь шествовал еси,/ егоже ничтоже в мире истинно нужнейше,// сего ради во Едем вшел еси, пространное покбище.

Припев: Преподобне отче Стефане, моли Бога о нас.

Тропарь: Тих явился еси, о Стефане,/ на Небесех бо венцем славы венчался еси, блаженне, достойно,// поя Венчавшаго тя.

Слава Отцу, и Сыну, и Святому Духу.

Тропарь: Чудно житие твое просия, благовонно,/ яко шипок в верте, и яко свещник на воздусе,// световидно озаряя, всеблаженне, чествующия тя.

И ныне и присно и во веки веков, аминь.

Богородичен: Деву вси и Пречистую, вернии, Богородицу,/ неизреченно носившую во утробе Бога и Спаса, // в песнях величаем.

КАТАВАСИЯ, ГЛАС 4:

Хор: Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная, // Богородице, Чистая Приснодево.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Тя хвалят вся силы небесныя, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Свят Господь Бог наш.

Хор: Свят Господь Бог наш

Диакон: Яко Свят Господь Бог наш.

Хор: Свят Господь Бог наш.

Диакон: Над всеми людьми Бог наш.

Хор: Свят Господь Бог наш.

ЕКСАПОСТИЛАРИЙ ВОСКРЕСНЫЙ ДЕСЯТЫЙ:

Тивериадское море с детьми Зеведеевыми,/ Нафанаила с Петром же и со другима двема древле,/ и Фому имяше на лове,/ иже Христовым повелением одесную ввергше,/ множество излекоша рыб:/ Егоже Петр познав, к нему бродяше,/ иже третие явлейся, // и хлеб показав, и рыбу на углех.

Слава Отцу и Сыну и Святому Духу и ныне и присно и во веки веков. Аминь.

БОГОРОДИЧЕН ВОСКРЕСНОГО ЕКСАПОСТИЛАРИЯ:

Воскресшаго Господа тридневна от гроба, Дево,/ моли о воспевающих Тя, и любовьию блажащих:/ Тебе бо и мамы вси прибежище спасительное, и ходатаицу к нему:/ наследие бо Твое, и рабы есмы, Богородице, // и к Твоему заступлению вси взираем.